

10/2013 FORU ARAUA, abenduaren 5ekoa. Honen bidez, aldatu egiten dira oinordetza eta dohaintzen gaineko zergari buruzko 1989ko otsailaren 15eko 2/1989 Foru Arauko Testu Bategina eta ondare Eskualdaketen eta Egintza Juridiko Dokumentatuen Gaineko Zergari buruzko 2011ko martxoaren 24ko 1/2011 Foru Araua (BAO Abenduaren 13koa)

Jakinarazten dut Bizkaiko Batzar Nagusiek 2013ko abenduaren 5eko Osoko Bilkuran foru arau hau onartu dutela: 10/2013 Foru Araua, abenduaren 5ekoa. Honen bidez, aldatu egiten dira oinordetza eta dohaintzen gaineko zergari buruzko 1989ko otsailaren 15eko 2/1989 Foru Arauko Testu Bategina eta ondare Eskualdaketen eta Egintza Juridiko Dokumentatuen Gaineko Zergari buruzko 2011ko martxoaren 24ko 1/2011 Foru Araua. Arau hori aldarrikatu eta argitaratzeko agindua ematen dut, aplikatu ahal zaien herritar, norbanako eta agintari guztiek bete dezaten eta betearaz dezaten.

OINORDETZA ETA DOHAINTZEN GAINEKO ZERGARI BURUZKO 1989KO OTSAILAREN 15EKO 2/1989 FORU ARAUKO TESTU BATEGINA ETA ONDARE ESKUALDAKETEN ETA EGINTZA JURIDIKO DOKUMENTATUEN GAINEKO ZERGARI BURUZKO 2011KO MARTXOAREN 24KO 1/2011 FORU ARAUA ALDATZEN DITUEN ABENDUAREN 5EKO 10/2013 FORU ARAUA

HITZAURREA

2011ko krisi ekonomikoaren gogortasunaren ondorioz, Bizkaiko Lurralde Historikoko erakunde eskudunek, une hartako egoera ikusita, zenbait zerga-neurri hartu behar izan zituzten -zeinen aplikazioa 2012 eta 2013ko ekitaldietara mugatuko zen-, diru-sarrera publikoak sendotzeko, susperraldi ekonomikoa bultzatzeko zein aurrekontu-egonkortasuna bermatzeko. Neurrien bidez, oro bat, ekitatearen printzipioan aurrera egin nahi zen, zerga-kargak hobeto banatu eta gaitasun ekonomiko handiagoa dutenei ahalegin handiagoak eskatu.

Zerga-neurri horien artean nabarmentzekoa da 2012ko otsailaren 29ko 1/2012 Foru Arauko 5. artikuluan Oinordetza eta Dohaintzen gaineko Zergari buruz jasotzen dena (foru arau horrek 2012rako eta 2013rako zenbait xedapen iragankor eta zergen arloko beste neurri batzuk onartzen ditu). Izan ere, neurri horren bidez, indargabetu egin zen, 2013ko abenduaren 31ra arte, zuzeneko ahaideentzako zein ezkontide edo izatezko bikotekideen arteko dohaintzatarako ezarrita zegoen salbuespena. Ondorioz, pertsona horiek 100eko 1,5eko tasa proportzionala ordainduko zuten.

Batetik, ekitatearen printzipioa eta diru-sarrera publikoen nahikotasuna inpaktu moderatuko neurrien bidez finkatzeak, eta, bestetik, inter vivos zein mortis causa egiten diren dohaineko eskualdaketen zerga-tratamenduak -gure inguruko administrazioetan aplikagarri denak- komenigarri egiten dute sine die luzatzea dohaintza horietarako ezarritako aldi baterako araudia, bai eta zergapean jartzea ere zuzeneko ahaideentzako oinordetak zein ezkontide edo izatezko bikotekideen artekoak eta pertsona horiek kausatzailearen heriotza dela eta bizitza-seguruen ondorioz jasotzen dituzten zenbatekoak.

Ondorioz, mortis causa eskualdaketen tributazio modu berriak berez ekarri du 1/2012 Foru Araua indarrean jarri arte zegoen salbuespena galtzea eta 100eko 1,5eko tasa proportzionala ordaindu behar izatea. Hala ere, 400.000 euroko gutxieneko kopurua salbuetsita geratzen da

jaraunseko. Aurrekoaz gainera, aldi baterako araubide bat sartu da, Bizkaiko foru-zuzenbide zibila arau duten jaraunsi-eskuraketetarako.

Bestalde, Ondare Eskualdaketen eta Egintza Juridiko Dokumentatuen gaineko Zergari buruzko 2011ko martxoaren 24ko 1/2011 Foru Arauan, dohaineko ondare-eskualdaketak, egintza juridiko dokumentatuak eta sozietate-eragiketak zergatzen dituen zerga horren arau-esparrua jasotzen da.

Aipatutako zerga-egitateetako lehenean, ondare-trafikoaren zergapean jartzen da -trafiko hori ez da enpresa-jarduera, partikularren artekoa baizik-. Indarreko araudiak, hain zuzen, 100eko 6ko karga-tasa orokorra ezartzen du ondasun higiezinaren eskualdaketetarako eta ondasun horien gaineko eskubide errealetarako, berme-eskubide errealetarako izan ezik.

Foru arau honek Oinordetza eta Dohaintzen gaineko Zerga aldatzeko oinarri diren antzeko arazoak direla eta, komeni da Ondare Eskualdaketen eta Egintza Juridiko Dokumentatuen gaineko Zerga eguneratzea eta 100eko 7ko tasan jartzea. Hori da, hain zuzen, foru arau honetako 2. artikulua xedea.

Azkenik, xedapen gehigarri bakarrean, egiaztapen laburtuko prozedura sartu eta beren-beregi arautzen da, Bizkaiko Lurralde Historiko Zergei buruzko Foru Araua osatzeko ikuskatze-prozedurei zein ikuskatze-jarduketeki dagokienez. Prozedura hori berritasun nagusietako bat izan zen 2012ko urtarrilaren 24ko 5/1012 Foru Dekretuak onartu zuen Bizkaiko Lurralde Historikoko zerga-ikuskapenaren Araudian, eta tresna egokia bilakatu da zerga-ikuskatzaileek iruzur fiskala kontrolatzeko jarduketetan erabiltzen dituzten baliabideak optimizatzeke.

Bizkaiko Kondaira Lurraldeko Foru Erakundearen Hautapen, Antolaketa, Erregimen eta Funtzionamenduari buruzko 1987ko otsailaren 13ko 3/1987 Foru Arauko 55. artikuluko 1. eta 3. zenbakietan xedatutakoa betetzeko, memoria ekonomikoari buruzko txostena eta genero-eraginaren ebaluazioari buruzko txostena doaz foru arau honekin batera.

...

XEDAPEN IRAGANKORRAK

Lehena. Aldi baterako araubidea: testamentu-ahalorde bat erabiltzearen zain dauden oinordetzak eta unean bertan eragina duten oinordetza-itunak.

Bat. Foru arau hau indarrean jartzean alkar-poderoso edo testamentu-ahalorde baten pean partez edo guztiz geroratuta dauden oinordetzen kasuan, komisarioaren edo alkar-poderosoaren eginkizunak betetzen dituzten pertsonen 6 hilabeteko epea izango dute botere hori osorik eta modu ezeztazinean erabiltzeko, eta, hala eginez gero, indarreko zergari buruzko araudia aplikatu ahal izango dute, foru arau hau indarrean jarri bitartean. Orobat, araudi hau aplikatzeko izango da erabilera ez den beste edozein arazoirengatik iraungitako eskubidearen ondorioz sortzen diren jaraunsi-zeko eskuraketetan.

Bi. Aurreko zenbakian adierazitako epea igarota guztiz erabili ez bada ahala edo hura iraungitzeko kausak geratu badira, ezkontide edo izatezko bikotearen (maiatzaren 7ko 2/2003 Legean xedatutakoarekin bat etorritik osatua), odol bidezko aurreko zein ondorengo zuzeneko ahaide edo adopzio-hartzaile zein adoptatuen jaraunsi-zeko eskuraketan kasuan, metatu egingo dira oinordeko berari dagozkion kausatzaile beraren eskuraketa guztiak, eta eskuraketok bakartzat hartuko dira, Oinordetza eta Dohaintzen gaineko Zergari buruzko 1989ko otsailaren 15eko 2/1989 Foru Arauko Testu Bategineko 19. artikuluko 8. eta 9. zenbakietan aipatzen den 400.000 euroko murrizketa behin bakarrik aplikatzeko (1993ko ekainaren 22ko 3/1993 Foru Dekretu Arau-emaiaren bitartez onetsi zen testu bategin hori, eta zenbaki horiei idazketa berria eman zaie foru arau honen bidez). Eskuraketa horien ondoriozko ondasun eta eskubideen balioa haiek sortu zirenekoa izango da.

Ezingo da inoiz ere metaketarik egin ondorengo sortzapenei dagozkien zerga-oinarriak handitzeko, kausatzaile eta oinordeko berei dagokienez.

Berdin jardungo da foru arau hau indarrean jarri aurretik sortu eta unean bertan eragina duten oinordetza-itunen kasuan.

Bigarrena. Zerga-erroldak eguneratzeko informazio-betebeharrak.

Bizkaiko Lurralde Historikoko Zergei buruzko 2005eko martxoaren 10eko 2/2005 Foru Arauko hogeita hamargarren xedapen gehigarrian aipatzen den informazio-eredua onartu ondorengo sei hilabeteen barruan, identifikazio fiskaleko zenbakia emateko eskumena duen herri-administrazioak jakinaraziko dizkio Zerga Administrazioari xedapen gehigarri horretan aipatzen diren datuak, foru arau hau indarrean jarri aurretik identifikazio fiskaleko zenbakia eman zaien pertsonen dagozkienak.

AZKEN XEDAPENAK

Lehenengoa. Indarrean jartzea.

Foru arau hau Bizkaiko Aldizkari Ofizialean argitaratu eta biharamunean jarriko da indarrean, eta 2014ko urtarrilaren 1etik aurrera sortuko ditu ondorioak.

Bigarrena. Gaikuntza.

Ahalmena ematen zaio Bizkaiko Foru Aldundiari foru arau hau garatzeko eta betetzeko behar diren xedapen guztiak eman ditzan.

Bilbon, 2013ko abenduaren 5ean.

Batzar Nagusietako Lehenengo Idazkariak,

JON ANDONI ATUTXA SAINZ.

Batzar Nagusietako Lehendakariak,

ANA MADARIAGA UGARTE.